

COMUNICATO n. 695 del 27/03/2025

Iber de artificial tschaikait, robot ont droni ver za biderpaun pergbalder rècht ver en klima: an prais ver de gònze alpine region

De artificial tschaikait ver de vicherlontschòft ver de zukunft, der Tirol trok vour der nai projekt Arge Alp

[Mòcheno] S heiven se va de temperatur, zaitn va truckenkait ont ausòndern meteorologischen fenomene: de bècksln van bètter sai' stòrch as de perg alpine balder aa. De auskeareta schon en de balder passiaru òlbe ofters ont s sai' noat groasa òrbetn ver za leing sa en plòtz. En de òrbet gamoa'schòft va de alpine region Arge Alp, de zaichen lander as toalmòchen sai' noch za drauklòffen en projekt. No de guatn rivenòrbetn van projekt as de Schortn va pa'm as òcht gem en klima ver de perg balder van lander van Arge Alp as ist kemmen gamòcht en 2021, vourtrong van Tirol, as hòt gem de moglechkait za innsitzn 5.000 pa'm guat ver en klima, as stercher sai', en de gònze Arge Alp, s ist kemmen u'pfonkt an projekt va follow-up bou as toalmòcht aa de Autonome Provinz va Trea't pet en Forestal Dinst.

S aupasn kimmip gem en de artificial tschaikait ont en naia технологи abia de robot ont de droni. Gèltsgott en sei, de platz as riskiarn barn kemmen tschechen pazaitn ont bider inngasetz dirèkt bou as praucht. Der projekt ver drai jor ist vourtrong van Forestalgrupp van Land Tirol, ont de kostn ver en projekt, as sai' 100.000 euro, sai regiart van òlla de lander van Arge Alp. Der u'vong trèff ist kemmen gamòcht kurz ont hòt gòp 20 toalnehmer va de region ont van autonome Provinzn as toalmòchen van òrbetgamoa'schòft.

“S bècksl van bètter ist pferleh ver de ingern pergbalder ont s sai tschunthait mechet òlbe bècksln. S tauschn zbischn de lander va schòrtn va pa'm as gem òcht en klima, hòt gamòcht sechen as rècht ist òrbetn asou ont men bart schaug za gea' envire en doi vurm. Naia технологи abia de artificial tschaikait tea' au gonz naia moglechkaitn en forestal sektor as ber miasn envire trong: i pin gabiss as ver en auklaum su'm, bider innsetzn ont kontrolliarn de lais, ber meing vinnen virm turch s prauchen van naia технологи as barn guat sai za versterchern de ingern ecosisteme van balder ont a zukunft envire en de zaitn” hòt unterstraicht der Josef Geisler, vicepresidente van Land Tirol as òrbetet iber de balder.

Ver za verstea' pesser abia as geat envire de технологи, en de earstn ta va haier ist kemmen gamòcht mòchen an studio za schaug bou as mechetn sai' praucht de artificial tschaikait ont de nain технологи en forestal sektor. Zan paispil, za prauchen de robot en de forestalngortn, oder de droni ver za sètz n pa'm oder as de dinger gatu' pet de artificial tschaikait ver za mòchen forestalstaun ont ver za klaum en su'm. An paispil van an prauch va naia технологи en de balder ist an vourprojekt van Ost Tirol, bou as vert sai' kemmen praucht, ver en earst vòrt, de droni ver za lònge bider kemmen bòlt en de platz hòrt za geanen verpai. An ausòndern drone ver de lòntschòft ist kemmen praucht ver za sa'n 250 kile va su'm de forestalnplatz a'ne pa'm en de gamoa'n va Ainet, Assling, Iselsberg-Stronach, Oberlienz ont Sillian. An ausònder ausparatn van su'm hòt galòk ausgem rècht, s derhòltn de milteket ont s derretn van schon van vicher. Der projekt, gamòcht pet de zòmmòrbet zbischn de Provinzal forestal Regierung ont der forestal Ispettorato van Tirol oriental, vourstellt

guata burzn ver de zukunft, innsitzn van balder en ausòndra nèt destera platz en Tirol ont nèt lai sem. De earstn rivenzeil van earsteprojekt barn mein kemmen praucht nèt vour oa's oder zboa jor.

An zòmmtrèff as en projekt bart kemmen gamòcht en herbest 2025 en Baiern. De nèt as ist pet de partner van projekt bart kemmen versterchert pet auskenneta lait as bissschòft, tecnologi ont informatic. Der zil ist der sèll za aupaun zòmm kennenschòftn, tauschn bissn ont idee van regionen van Arge Alp. Ont nou de lander belln se helven mitt de òndern ver za mòchen bòcksn su'm ont pa'mbler ver de balder.

Arge Alp ist an òrbetgamoas'chòft inngabichen sait as de 12 van schanmikeal 1972 ka Mosern en Tirol, pet en zil za envire trong ont unterstizn de neatecher van alpine lander ont as enteressiart laischiar 26 milionen va lait. S sai toalnemmer va Arge Alp s Taitschlont pet en vrai stòtt va Baiern, Osterraich pet de Lander Vorarlberg, Tirol ont Solzburg, Balschlont pet de Autonome Provinzn va Poazn ont Trea't ont de Region Lombardia, de Schbaiz pet de Kanton Graubunden, Sankt Gallen ont Tessin.

Ibersetz gamòcht van Sprochtirl va de Tolgamoas'chòft Hoa Valzegu' ont Bersntol

(cdt)